



Služba za društvene djelatnosti i upravu

Broj: 03-04-3316/25
Lukavac, 10.11.2025.godine

O B A V J E Š T E N J E

za podnošenje zahtjeva za dodjelu finansijskih sredstava za pomoć u rješavanju stambenih potreba branilaca i članova njihovih porodica u 2025. godini na području grada Lukavac

Na osnovu člana 9. stav 1. Pravilnika o ostvarivanju prava na finansijska sredstva za pomoć u rješavanju stambenih potreba branilaca i članova njihovih porodica u 2025. godini broj: 15/1-02-025246-25 od 01. 09. 2025. godine, Grad Lukavac obavještava braniocce i članove njihovih porodica sa područja Grada Lukavac da mogu podnijeti zahtjev za ostvarivanje prava na finansijsku pomoć za rješavanje stambenog pitanja za 2025. godinu.

✦ **I Podnošenje zahtjeva**

Zahtjev se podnosi Gradu Lukavac, na adresu:
Grad Lukavac
Ul. Trg slobode 1.
75300 Lukavac

✦ **II Korisnici prava**

Pravo na podnošenje zahtjeva za interventnu pomoć imaju:

- lice iz člana 1. stav 1. Zakona o dopunskim pravima branilaca i članova njihovih porodica drugi prečišćeni tekst („Službene novine Tuzlanskog kantona“, br. 10/20, 14/22, 9/23, 5/24 i 13/24“), u daljem tekstu: Zakon i to: članovi porodice šehida, poginulih, umrlih i nestalih branilaca; ratnih vojnih invalida; dobitnika ratnih priznanja i odlikovanja; demobilisanih branilaca i mirnodopskih vojnih invalida
- lica iz člana 4. Zakona i to: dijete šehida-poginulog., umrlog i nestalog branioca, dijete umrlog ratnog vojnog invalida, umrlog dobitnika ratnog priznanja i odlikovanja i umrlog demobilisanog branioca pod uslovom da je nezaposlen, da se ne nalazi na redovnom školovanju i da nije navršilo 25 godina života.
- lice u statusu: supruga umrlog ratnog vojnog invalida(u daljem tekstu: RVI) supruge umrlog dobitnika ratnog priznanja i odlikovanja (u daljem tekstu DNRP) i supruge umrlog demobilisanog branioca(u daljem tekstu DB)

✦ **III Ograničenje prava na interventnu pomoć**

(1) Pravo na interventnu pomoć po Pravilniku i ovom obavještenju nemaju korisnici prava iz tačke II ovog obavještenja (u daljem tekstu: lice):

- čiji ukupni mjesečni prihodi po članu uže porodice prelaze 45% prosječne neto plate ostvarene u prethodnoj godini na području FBiH, prema podacima Zavod za statistiku u Federaciji Bosne i Hercegovine, izuzev lica (podnosilac zahtjeva/supružnik/djeca) koje ostvaruju pravo na minimalnu PIO penziju i lica iz člana 16. ovog Pravilnika odnosno lica koja ostvaruju pravo na interventnu pomoć usljed iznenadnih prirodnih elementarnih nepogoda.

- koje je vlasnik/posjednik kuće porodične stambene zgrade ili stana koji je otkupljen po osnovu Zakona o prodaju stanova na kojima postoji stanarsko pravo ili takav stan odnosno porodičnu stambenu zgradu koji zadovoljavaju stambene potrebe, posjeduje njegov uži član porodice
- koje je koristilo stan ili kuću u svojini, koji su odgovarali potrebama stanovanja, a svojevrijem su izgubili stanarsko pravo, odnosno svojinu na kući, teretnim ili dobrovoljnim pravnim poslom (sa ili bez naknade) ili su ih bilo kojim drugim pravnim poslom otuđili (računajući i stambene objekte iz mjesta življenja prije rata) u periodu od 30.04.1991. godine do momenta podnošenja zahtjeva u namjeri da steknu uslove za korištenje sredstava po Pravilniku o ostvarivanju prava na finansijska sredstava za pomoć u rješavanju stambenih potreba branilaca i članova njihovih porodica u 2025. godini
- koje ima u vlasništvu jedan ili više poslovnih prostora, izuzev poslovnog prostora u kojem obavlja djelatnost iz koje obezbjeđuju uslove za egzistenciju svojoj porodici ili
- koje traži sredstva za radove koji se smatraju redovnim investicionim održavanjem objekta. Pod redovnim investicionim održavanjem objekta podrazumjeva se zamjena: stolarije, podova, sanitarnih elemenata, oluka i elektro i vodovodnih instalacija u objektu.

✦ IV USLOVI

Uslovi za ostvarivanje prava na interventnu pomoć su opći i posebni.

Opći uslov za ostvarivanje prava na interventnu pomoć podrazumjeva da lice:

- ima stalno mjesto prebivališta na području Kantona,
- rješava stambene potrebe na području Kantona,
- ostvaruje pravo iz oblasti branilačko invalidske zaštite na području Kantona.

Posebni uslovi za ostvarivanje prava na interventnu pomoć podrazumjeva da:

- se radi o stambenom objektu u kojem žive ne posjeduje minimalne stambene uslove za stanovanje (Pod minimalnim stambenim uslovima za stanovanje, smatra se opremljen prostor namijenjen za stanovanje (soba, kuhinja, kupaonica, hodnik) u kojem boravi porodica odnosno domaćinstvo) ili stambenom objektu koji je oštećen usljed iznenadnih prirodnih elementarnih nepogoda koje su nastale višom silom (poplava, klizište, zemljotres, požar i sl.) i
- lice posjeduje valjanu dokumentaciju propisanu Pravilnikom o ostvarivanju prava na finansijska sredstava za pomoć u rješavanju stambenih potreba branilaca i članova njihovih porodica u 2025. godini.

✦ V DOKUMENTACIJA

Lice kod kojeg stambeni objekat u kojem živi ne posjeduje minimalne stambene uslove za stanovanje je dužno lično dostaviti dokumentaciju, izuzev za dokaz pod tačkom 11. ovog stava, kako slijedi:

1. Zahtjev za interventnu pomoć (Anex I Pravilnika) (Zahtjev stranke mogu preuzeti u prostorijama ili sa web stranice Grada Lukavac),
2. Kućna lista lica kao podnosioca zahtjeva sa originalnim ili ovjerenim kopijama prijave stalnog prebivališta za sve članove uže porodice (član uže porodice je: bračni partner, vanbračni partner, djeca rođena u braku i van braka, usvojena djeca i pastorčad), a za samca, uz kućnu listu dostaviti kumulativno:
 - Izvod iz matične knjige rođenih
 - Izjavu o postojanju /nepostojanju vanbračne zajednice;
3. Dokaz o pripadnosti boračkoj populaciji:
 - uvjerenje Službe o priznavanju svojstva člana šehidske porodice/podrođice poginulog branioca ili
 - uvjerenje Službe o priznavanju svojstva ratnog vojnog invalida ili
 - uvjerenje Službe da je nosilac ratnih priznanja, izdato od nadležne grupe za pitanja

evidencije iz oblasti vojne obaveze ili nadležnog ministarstva unutrašnjih poslova ili
- uvjerenje o pripadnosti Oružanim snagama izdato od nadležne grupe za pitanja
evidencije iz oblasti vojne obaveze ili nadležnog ministarstva unutrašnjih poslova.

4. Dokaz o ukupnim primanjima lica kao i članova uže porodice navedenih u kućnoj listi (uvjerenje poslodavca o visini posljednje plate; ček od penzije; za lica koja imaju registrovanu djelatnost obrazac iz poreske ispostave JS 3650; uvjerenje poreske uprave o postojanju dodatnih prihoda za lica i punoljetne članove uže porodice);
5. Uvjerenje JU Službe za zapošljavanje za sve nezaposlene članove uže porodice, a ukoliko se isti ne vode na evidenciji, uvjerenje iz Ispostave porezne uprave za sve nezaposlene članove uže porodice kao dokaz o statusu nezaposlenosti;
6. Uvjerenje o redovnom školovanju djece iz obrazovnih ustanova;
7. Dokaz da je održana ostavinska rasprava iza poginulog, umrlog ili nestalog branioca;
8. Izjava ovjerena u nadležnoj gradskoj/ općinskoj službi ili kod notara da lica i svi članovi uže porodice nisu vlasnici niti suvlasnici drugih nekretnina (kuća/stan) na području Bosne i Hercegovine, izuzev one za koju je podnijet zahtjev za interventnu pomoć; (Anex III);
9. Uvjerenje o posjedovanju/neposjedovanju kuće za punoljetne članove uže porodice (dokaz koji pribavlja Služba po službenoj dužnosti u katastarskom operateru općine/grada gdje lica ima prebivalište);
10. Zapisnik nadležne gradske/općinske službe ili nadležne policijske uprave o evidenciji nepogoda (poplava, klizište, zemljotres, požar i sl) samo za slučajeve iz člana 16. Pravilnika;
11. Dokaz o vlasništvu odnosno drugi dokaz da je lica vlasnik ili vanknjižni vlasnik stambenog objekta za stambeni objekat (Zemljišno-knjižni izvadak ili građevinska dozvola ili posjedovni list ili drugi dokaz o vanknjižnom vlasništvu, neprovedeno rješenje o ostavinskom postupku ili drugi dokazi iz kojih se može utvrditi vlasništvo/vanknjižno vlasništvo) i
12. Foto snimci kompletnog objekta kao i dijela koji je neuslovan za stanovanje.

Lice je dužno dostaviti dokaze u originalu ili ovjerenoj kopiji.

Dokumentacija ne smije biti starija od 6 mjeseci.

Zahtjev se podnosi Službi Grada Lukavca.

✦ **VI DOKUMENTACIJA** za lica kod kojeg je stambeni objekat u kojem živi postao neuslovan za stanovanje usljed prirodnih nepogoda koje su nastale višom silom (poplava, klizište, zemljotres, požar i sl.)

Lice je dužno dostaviti sljedeću dokumentaciju ne stariju od šest mjeseci, izuzev dokaza pod tačkom 7, kako slijedi:

1. Zahtjev za interventnu pomoć usljed iznenadnih elementarnih nepogoda Anex II (Zahtjev stranke mogu preuzeti u prostorijama Općine Sapna),
2. Dokaz o pripadnosti boračkoj populaciji:
 - uvjerenje Službe o priznavanju svojstva člana šehidske porodice/podrijetla poginulog branioca ili
 - uvjerenje Službe o priznavanju svojstva ratnog vojnog invalida ili
 - uvjerenje Službe da je nosilac ratnih priznanja, izdato od nadležne grupe za pitanja evidencije iz oblasti vojne obaveze ili nadležnog ministarstva unutrašnjih poslova ili
 - uvjerenje o pripadnosti Oružanim snagama izdato od nadležne grupe za pitanja evidencije iz oblasti vojne obaveze ili nadležnog ministarstva unutrašnjih poslova.
3. Izjava ovjerena u nadležnoj gradskoj/ općinskoj službi ili kod notara da lica i svi članovi uže porodice nisu vlasnici niti suvlasnici drugih nekretnina (kuća/stan) na području Bosne i Hercegovine, izuzev one za koju je podnijet zahtjev za interventnu pomoć (Anex III);
4. Uvjerenje o posjedovanju/neposjedovanju kuće za punoljetne članove uže porodice (dokaz koji pribavlja Služba po službenoj dužnosti u katastarskom operateru općine/grada gdje lica ima prebivalište);
5. Zapisnik nadležne gradske/općinske službe ili nadležne policijske uprave o evidenciji nepogode (poplava, klizište, zemljotres, požar i sl);
6. Foto snimci kompletnog objekta kao i dijela koji je nuslovan za stanovanje;

7. Dokaz o vlasništvu odnosno drugi dokaz da je lice vlasnik ili vanknjižni vlasnik stambenog objekta za stambeni objekat (Zemljišno-knjižni izvadak ili građevinska dozvola ili posjedovni list ili drugi dokaz o vanknjižnom vlasništvu, neprovedeno rješenje o ostavinskom postupku ili drugi dokazi iz kojih se može utvrditi vlasništvo/vanknjižno vlasništvo).

Lice je dužno dostaviti dokaze u originalu ili ovjerenoj kopiji.

Dokumentacija ne smije biti starija od 6 mjeseci.

Zahtjev se podnosi Drugostepenoj Komisiji koju imenuje ministrica Ministarstva za boračka pitanja TK.

Za sve dodatne informacije korisnici mogu kontaktirati broj telefona Odsjeka za boračko invalidsku i socijalnu zaštitu grada Lukavac **035/366-733**.

POMOĆNIK GRADONAČELNIKA
Mirela Bubić, dipl.pravnik

Dostavljeno:

1. Oglasna ploča Grada Lukavac
2. Web stranica Grada Lukavac,
3. Arhiva.